

Iko Jinume Ije 1

1-8 Isuibe Godi fu ae sakae boeje ige amaeri saove amaeri. Ro sakae ado ijia ire bino baki. Godido Kavene fu do ado ijia oenoe. Ae boeje ka vemu. Godi fu kua maza nano kuamoga maza fu nae. Areme Godi fi gake maza naega fu kua mare. Ije fu kua mazare. Areme fu mazare abe be nija ro ve titutemo ije fu abe be nija. Ve titutemo ije fu kua muge. Fu ijierega mu besu furi. Godi fu do ije kuaga fu atasemoga gue kabo gue umeke areme are ukua ijia fu kua saove. Fu ijierega mu inokoro furi.

9-10 Godi kuamoga do gume fu besu nae. Areme fu sakae kuamo fu dua ijiereri.

11-13 Godi kiavoga uje binobino ijro bu tavuae. Areme ine ijiebe fo ije kirae. Ifo ije boeje tavuae. Fu ijierega mu inokobeke furi.

14-19 Godi kiamoga mazakina asakina zuvi ije bu frei. Asaki zuviki ije bu mugefuo ire ro mazane ije fu mazare ijafuo mani. Ijadoe ae sakae boeje fu sanoe. Fu ijieremoga mu inokoro inokoro furi.

20-23 Godi kiamoga kijume ijiakina ire boeje do ije oejo ije do ijia va furi. Bu do ijia arina a nafe areme bu ubaeradiana buka boejerei. Godi fu u binobino amaeria areme bu a nafega ame ije bu ubaeradiana ume ka boeje. Fu ijieremoga mu imuifague furi.

24-25 Godi kiamoga fanukina ire boeje ume igia oeva bu oenoe. Ire boeje Godi amaeriaema bu ame nafei. Ame bu nafeva ije bu ubaeradia.

Iko Jinume Ije 2

1:26-2:25 Areme Godi e amaeriae. Fu barukiro bara amaeriae. Godi e fu vareiki amaeriae. Godi fu makoe abena e amaeri. Fu udo fuone ijia vua ufeno fu oerui. Areme fu i fuone Adame kuae. Godi fu juae maje me areme Adame mesiri juae guove gamia nujae. Ro do be juae irifo ijia vae. Are do garine ijia ruaema ije bu kua Ideneno kuavo. Ro ine be juae ukua fnanino ije erare ifo ije tura ikumane fu kube barone. Ro ine be ijia erare

foje tura ikuma fu ire boeje vierafe. Areme Godi fu Adame kua juae ije samua fine. Ifo boeje i ro besu ije arene. Ine ifo ire boeje a vierafekifuo ije ijaru abe ino. A ifo ije ikuma a vierafero irere ise ro irere maro. Ifo ije abe ino. A ikuma a baroneko kuae. Fanukina u boeje Godi amaeriaema fu kaenamia Adamedo romo fu i buone imiae. Areme Godi vierafe ga Adame fu fuosukua. Fu vierafero ije fuka ise. Na fuefuo bara amaerike. Fu bara abega fu ifejake. Godi fu ijiege vierafe. Areme Godi fu kuaemoga Adame fu ninae. Adame niinaeko Godi fu ikene fuone be damu areme una surive kamae. Surive kama areme ikene ije abena bara amaeri. Areme Adame urimo Godi fu bara ije mesiri Adamedo ruae. Adame fu bara ga areme kua aje na vareiki. Godi fu ikene none damu a amaeri ijaduo aje na kua a barano kuavo. Ijadufuo iviama e fori bu asieki asoe ije arena bara abena fuobiki finoga bume besu.

Iko Jinume Ije 3

Areme Godi e ije kia a nafe ro Ire boeje samua giano krae. Kiamoga bu va defaba oenoe ro bu jaeve ba. Godi ire ije fu amaeriaema ije giake buneka mare. Godi fu ijieremoga mu sigisi furi. Godi i fuone meno fune furido mu seveni ije fume ijia fi.

1-7 Tabare be juare ije ruaema ije fuka e uguaike. Fu uguaikido fu bora kua Godi fu be kua a ifo boeje abe ino kuae. Areme bora ije fu kua ifo boeje no ikiro besu juare ukua manino ije no be ike. No ifo ijene abe ikuvane no oeko kuae. Kuamoga tabare fu kua abe baroneke. A ifo ije ikumane ire maje iseje ije a vierafeke. A Godi vareikireke. Godi fu ije gano kuae. Fu ije kuamoga bara fu ifo ije giana vierafe. Fu vierafemo datura iga bino barufuo vajae. Vajamoga fu dua i areme bu ire boeje vierafe. Bu bue ganami bu detaba. Ijaduo bu musiene turana saguna sae.

8-21 Mufuo ije Godi fu juae gamia oenoe. Ro Adamekiro bara fuone bu fie Godi ruomo fie bu ine ijia saui kari. Bu ijia karikoga Godi fu kume ja szibureno kumei Fu ije kumemoga baru fu gue kume nana a fie. Na defabado na jumena saui fino kuae. Kuamoga Godi kua erare kua a

detabano kuaei Ifo na kia jade ino kiaevo ije ja be ino kuaei Kuamoga Adame fu kua bara ige a miema ije fu ifo ije abe miemo na abena ino kuae. Kuamoga bara fuone fu kua tabare fu na biesiriemo na abena ivo kuae. Fu ije kuamoga Godi fu fabare kua a ijiereno nii oe one umeke vane. Na kuado anafa oneklina bara ijafuo anafa bu bue bijaeke. E be dia ato fuone are sakie ro fu nigofu one kanako kuae. Areme Godi fu bara kua a ijieredo a ame nafega de fiadake. Ro a baru one abe abueke. A una fu vierafe ro fu a samua gakono kuae. Fu ije kuana una Adame kua a ijieredo na kiaga fienekina uje bu tavuake. A uruvana imega a ire ike. A ijiere vakuma a sone baroneke. Na sakae abena a amaeri. Ijeredo sone a una sakae reko kuae. Areme Godi fu fanu survive kena ugone amaerlaga bu kena sae. Bara ije fu e boeje igebu asie ijafuo Adame fu uri i fuone fu kua Ivino kuae.

22-24 Adamekiro Ivi bu vierafero irere maro irere isero. Ro ine be uria juae ukua manino ije erare ifo ije ikuva bube oeke. Godi vierafero bute ifo ije ikiro fu ijafuo kiamoga bu ae be vae. Godi fu anera inokoro juare ije uvuaki ijia uniaga bu miane naeno ije kena ine ije samua kari. Ro Adamekina bara fuone bu juae maje rje arena vae. Adame fu vakuma ae be ijia kekena juae menoe.